



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publichar arrandschamaints han seguaintas pussibilitats:

- Mas-chalch da Sent : tenor infuormaziuns sülla prüma pagina
- Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- Chalender d'arrandschamaints da la destinaziun turistica:

www.engadin.com => "Allegra das Veranstaltungsmagazin" => Veranstaltungen erfassen opür

<https://www.engadin.com/de/planen-buchen/allegra-veranstaltungsmagazin>

Quellas occurrenzhas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzhas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan piazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
Ingüna reservaziun da piazzas - la chascha es averta ün'ura avant il concert.

Dumengia, als 2 marz 2025, a las 17.00 CHF 25.-

PASCHIUN PEL TUN PUPULAR

Killian Duo: Roswitha Killian: viola, Angela Killian: clavazin

Il fil cotschen tras quist concert es l'inspiraziun da la musica classica tras chanzuns popularas e sots. Las duos sours sun inchantadas da cumposiziuns classicas illas qualas straglüscha viva musica populara.

Dumengia, als 9 marz 2025, a las 17.00 CHF 25.-

PERLAS DAL "JAZZ"

Heiri Känzig – giun, Jean-Paul Brodbeck – clavazin

Ils duos musicists s'occuppan culs classics dal « Great American songbook ». Cun gronda creatività e respet per las cumposiziuns originalas ed eir tras la libertà da l'improvvisaziun laschan els straglüscher las perlas dal jazz in nouva splendor.

Sonda, als 29 marz 2025, a las 17.00 CHF 25.-

CONCERT DA PRÜMAVAIRA – COR PROGET 25

Cor Proget 25 – chant, Aita Gaudenz – clavazin, Marcel Heis – dirigent

Il cor Proget es gnü fundà dal 1993 da Curdin Linsel ed es per bleras chantaduras e chantadurs üna pussibilità da chantar programs chi sun aint in ün rom ün pa plü special. Il concert da prümavaira dal cor Proget 25 vain realisà cun la musicista Aita Gaudenz. I'l program as poja dudir chanzuns dal temp romantic fin aint illa moderna.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café
mardi e sonda / Dienstag und Samstag
Nus ans allegrain da Lur visita!

17:00 -19:00

Exposiziun: Portas Engiadinaisas

Fotografias da Stephan Husen

sonda e mardi 17.00 – 19.00 Grotta da cultura Sent, Schigliana, entrada libra

La chasa engiadinaisa imposanta es cuntschainta eir dadour l'Engiadina. Cun seis mürs gross e'ls ornamentals (sgrafits) buolla ella divers cumüns. Plü paca bada as daja però a las portas chi mainan in quistas chasas. Eir quellas sun grondas ed han suvent ün character particular. E suvent as dumonda chi mâ chi starà davo quistas portas.

Il fotograf Stephan Husen da Bern ha documentà d'ürant ils ultims ons las portas da differents cumüns in Engiadina Bassa. Ill' exposiziun "Portas Engiadinaisas" muossa el fotografias dals exemplars ils plü bels ed ils plü interessants. www.stephanhusen.com

PER NOSSAS SENIORAS - PER NOSS SENIORS

VENDERDI, 14 MARZ

Sent da plü bod

Cristian Juon muossa fotografias veglias

A las 14.00 illa Chasa Misoch, davo café e tuorta

Infuormaziun ed annunzcha: Chatrina Ritzmann, 081 864 93 59

Adüna il **lündeschdi, a las 14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi a las 14.00 in Chasa Misoch**: Società da duonnas
infuormaziun: Dorathea Stupan, tel. 081 864 04 75

CORPORAZIUN EVANGELICA SENT

Cults divins

DUMENGIA, 9 marz

Cult divin

10.45, tudais-ch/rumantsch, rav. Hans-Peter Mathes

Battaisem da Gino Etter

Orgel: Pasquale Bonfitto

DUMENGIA, 23 marz

Cult divin da famiglia

10.00, rumantsch, pred. laica Seraina Guler e scolaras e scolaras

Orgel: Pasquale Bonfitto

DUMENGIA, 30 marz

Eucharistiefeier, röm.-kath.

19.00, deutsch/rumantsch, Pfr. Chr. Willa

Orgel: Peder Vital

Adressa:

Corporaziun evangelica Sent

rav. Hans-Peter Mathes, Avant Baselgia 80, 7554 Sent, telefon 079 583 79 56, hpmathes@bluewin.ch

Barbla Buchli, Avant Baselgia 75, 7554 Sent, telefon 081 864 02 78, barbla.buchli@bluewin.ch, sent-reformiert.ch



Cun plaschair As invidaina eir quist on a la radunanza generala da nossa società.

La SÜP ha üna rolla importanta in nos cumün. Cun sustegn da bleras varts esa pussibel dad organisar concerts, manar la biblioteca, mantegner il Prümbaran Prà San Flurin, cultivar las alleas, dar oura il Mas-chalch e dad organisar otras sportas per indigens e giasts.

La società viva cun e da seis commembers. Nus pigliain jent incunter intimaziuns per activitats.

Bannida a la radunanza generala

in marcurdi, ils 26 marz 2025, a las 20.15 h in Chasa Misoch

Tractandas:

Salüd

Elecziun da duos scrutinaduras e/o scrutinadurs

Protocol da la radunanza generala dals 27 marz 2024

Commembras e commembers nouvs

Rapports e programs da lavur da la differentas secziuns

Rendaquints 2024 da la gestiun generala e da las secziuns, cun rapports da revisiun

Contribuziun annuala

Varia

Cun amiaivels salüds,

Per la suprastanza da la SÜP

Jan Sedlacek, president

TSCHERCHÀ

Per la **biblioteca cumünala a Sent** tscherchaina a partir da prümavaira 2025

ün/-a chaschiera per la biblioteca

üna persuna per la lavur in biblioteca

Las lezchas s'laschan eir cumbinar.

Per dumondas sta a disposiziun Elisabeth Poo, tel. 081 864 18 20.

Annunzchas piglia jent incunter la Società d'Util public, Jan Sedlacek, president, tel. 081 864 70 74, janse@gmx.ch.



Chalandamarz a Sent in sonda, ils 1. marz 2025

Urari dal cortegi official:

| | |
|--------------------------|---------------------------------------|
| Crusch | ca. 07:00 (scolarAs da 5-9avla) |
| Sur En (cumün) | ca. 07:35 (scolarAs da 5-9avla) |
| Sur En (camping-glatsch) | ca. 07:50 (scolarAs da 5-9avla) |
| Sent (Avant Baselgia) | ca. 08:50 (tuot la scoula + scoulina) |
| Schigliana | ca. 09:30 (tuot la scoula + scoulina) |
| Chascharia | ca. 11:30 (tuot la scoula + scoulina) |

Traget Sent:

Avant Baselgia - Bügliet - Sala - Stron - Surataglia - Vidos - **Schigliana** - Archas sura - Archas - Schigliana (cun marena per minchün) - Bügl süt - Curtin sura - Curtin - Plazzetta - Saglina - Foura da Büz - Chasellas - Plaz – **Chascharia**

Bal da pitschens in chasa da scoula:

14:00-18:00 e 20:00-24:00 (entrada libra); prolungaziun fin a las 02:00 per creschüts ed uffants dal s-chalin ot in accumpognamaint da lur genituors

Schreibschule Sent



Mit einem
Bleistift bist du
nicht allein

–
Cun ün rispli
nun est suletta

–
Abschluss-
lesung des
Schreibschul-
jahrs 2024

Mit einem
Bleistift bist du
nicht allein

–
Cun ün rispli
nun est suletta

–
Abschluss-
lesung des
Schreibschul-
jahrs 2024

Sonntag, 2. März 2025
15:00 – 16:30 Uhr

Chasa Misoch
Avant Baselgia 81, Sent
Postauto-Haltestelle: Sent Plaz

Danach Apéro riche mit
Begegnungen, Gesprächen

Eintritt frei, Kollekte

Schreibschule Sent

Die Schreibschule Sent lädt ein zu Kurzlesungen von 18 Autorinnen und 4 Autoren, die ihre Lieblingstexte aus dem vergangenen Jahr vorstellen.

Es lesen: Caroline Arni, Ruth Balmer, Ernst Bühler, Susanne Frohn, Ulli Hager, Sabine Hofmann, Claudia Katz, Ursula Knirsch, Walter Knirsch, Manfred Koch, Martin Lehmann, Sibilla Marelli Simon, Silvia Matile, Sabine Müller, Christine Olmos, Ines Reynders, Tanja Rietmann, Irmengard Saller, Caroline Schuster Cordone, Uschi Sonnenschein, Katharina Suter, Ruth Walter.

Durch den Nachmittag führen Angelika Overath und Manfred Koch



Weitere Infos zu den Kursen und Veranstaltungen:
www.schreibschule-sent.ch
info@schreibschule-sent.ch

Chi eschna?

Ils Samaritans Sent es üna società cul focus d'exercitar regularmaing masüras da prüm agüd sco pretais per la patenta obain eir il brevet da nodar. Sco società faina part a l'organisaziun chantunala e federala culs certificats correspondents.

Pro'ls Samaritans Sent vaina actualmaing 12 commembers e commembras da Sent e Valsot.

Eir la cumünanza nu vain a la cuorta cun grilladas e festinas da Niculaus, ma eir cun ün di da prouva regionala cun otras societats da samaritans giodaina il barat e la cumpagnia.

Wer sind wir? Der Samariterverein übt regelmässig Massnahmen der Ersten Hilfe gemäss zertifizierenden Vorgaben. Wir haben 12 Mitglieder:innen aus Sent und Valsot und geniessen auch gerne die Gemeinschaft und regionale Übungen.

Che faina?

Ad occurrenzias plü grondas ans vais sgüra fingià vis cullas giaccas gelguas. Pro evenimaints chi pretendan ün concept da sgürezza es la preschentscha da posts da samaritans suvent prescritta.

Regularmaing sustgnina ils evenimaints dal Nationalpark Bike Marathon, matschs da hockey a Gurlaina, Staffetta, la Traversada, il trail run, differents dis da sport e.u.i.

Implü organisaina sün dumonda eir prouvas specificas, p.ex. cuors da prüm agüd per canortas, cuors d'emergenza per far la patenta etc.

Was machen wir? Bei regionalen Grossanlässen sind wir in den vorgeschriebenen Posten und gelben Jacken gut erkennbar. Wir unterstützen regelmässig am Nationalpark Bike Marathon, Eishockeyspiele, verschiedene Sporttage u.s.w. Auf Anfrage organisieren wir auch spezifische Erste Hilfe Kurse.

Interest?

Scha vais surgni interest, da sustgnair las occurrenzias illa regiun cun participar e star post, alura s'annunzchai e gni ad üna prouva d'insaj.

Interesse? Wurde das Interesse geweckt, um bei regionalen Anlässen zu unterstützen, bei uns teilzunehmen und Posten stehen, meldet euch und kommt an einer Schnupperprobe.

Las prouvas 2025, adüna lündeschdi a las 20.15 illa Centrala Sent (sur la scoulina)

| | | |
|--------------|------|------------------------------|
| 24 favrer | 1414 | immobilisaziun |
| 24 marz | 145 | tös-chantamaints |
| 28 avrigl | 117 | accidaints da trafic |
| 26 mai | 118 | dons da chalur |
| 30 gün | 112 | surpraisa |
| 29 settember | 144 | reanimaziun |
| 27 october | 143 | Care Team |
| 8 december | | referat medicinic e Niculaus |

Contact:

Yvonne Taverna: 079 399 64 48

Annalea Stuppan: 079 764 95 76